



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Christiana Institvtio Virtutum & vitiorum sacri uerbi Dei
declamatoribus admodum vtilis et necessaria**

Ammiani, Sebastiano

Venetiis, 1562

Festis quatuor sunt necessaria.

urn:nbn:de:hbz:466:1-30415

Festis quatuor sunt necessaria.

- Exo, 20** **P**rimum est, uacare a terrenis operibus. Exo. 20. Sex diebus operaberis, & facies omnia opera tua, septimo autem die sabbati domini dei tui est, non facies omne opus tuum, & filius tuus, & filia tua, & seruus tuus, & ancilla tua; iumentum tuum, & aduena, qui est inter portas tuas.
- Gen, 2.** Gen. Compleuitque Deus die septimo opus suum quod fecerat, & requieuit die septimo. Non solum autem quiescendum est exterius, sed etiam interius. Ezech. Qui quiescit quiescat. quiescit inquam corpore, quiescat & mente, scilicet a sollicitudine terrenorum. Matt. Nolite solliciti esse quid manducabimus, aut quid bibemus, &c. Secundum est, depositio peccati. Hier. Custodite animas uestras, & nolite portare pondus in die sabbati, id est peccata. peccatum enim magnum pondus est. Vnde Gregorius omne enim peccatum graue est, quia non permittit animam ad sublimia leuari. Tertium est, ut caueamus peccata committere. Exod. Memento ut diem sabbati sanctifices, id est, sanctum conserues, diligenter in

eo a peccato cauendo, quia Dominus sanctificauit eum. Exo. Benedixit Dominus diei sabbati, & sanctificauit eum. Et Gen. 2. & Hier. 17. Sanctificate diem sabbati. Quartum est, ut utilitati animæ intendamus, spiritualia opera faciendo.

Exo. 20
Gen. 2.
Hier. 17

Filij Dei dicuntur tria genera hominum.

Inimicorum dilectores. Matt. Diligite inimicos uestros, &c. Ut sitis filij patris uestri, qui in cælis est. Et Augustinus. Qui dilexerit inimicos, hic erit Dei altissimi non solum amicus, sed & filius. Secundo, Discordantium pacificatores. Ecclesiasticus. In iudicando esto pupillis misericors ut pater, & pro uiro matri illorum, & eris tu uelut filius altissimi, &c. Tertio, pacis amatores. Vnde dicebat Saluator noster. Beati pacifici quoniam filij Dei uocabuntur.

Mat. 15
August.
Ecc. 4.
Matt. 5

Fornicationis uitium fugiendum est propter quatuor.

Primo, quia Deo displicet; homo enim domus & templum Dei est, secundum Pauli sententiam.